

Ilisimatusarfimmi ilinniagaqarnerit soraarummeertarnerillu pillugit Namminersornerullutik Oqartussat nalunaarutaat

Ilisimatusarfik pillugu Inatsisartut inatsisaanni nr. 3-mi maajip 9-anni 1989-imeersumi § 3, nr. 3 aamma 5, Ilisimatusarfimmillu innersuussuteqarneq malillugit aalajangersarneqarput:

Kapitali 1.

Ilinniagaqarnerit siunertaat aaqqissuunnerallu.

§ 1. Ilisimatusarfik periarfissiisaaq akademikerimut ilinniagaqarnernik ilinniartut ilisimatuutut periaatsit, ilisimasat piginnaassutsillu tunngavigalugit inuussutissarsiutigalugu suliaminnik nammineerlutik ingerlatsisinnaalissutigisassaannik.

§ 2. Naalakkersuisut Ilisimatusarfiup innersuussineratigut akuerissavaat ilinniagassat suut iluini, piffissallu qanoq sivisutigisup iluani, nalunaarut una malillugu ilinniagaqarnerit neqeroorutigineqarsinnaanersut.

§ 3. Ilinniagaqarnerit tassaapput:

- 1) bachelorimut ukiuni pingasuni ilinniagaqarneq.
- 2) kandidatimut ukiuni marlunni ilinniagaqarneq.
- 3) Ph.D.-mut ukiuni pingasuni ilinniagaqarneq.

Imm. 2. Ilinniakkat tapiissutaasussat saniatigoorisassallu katiterneqarsinnaapput bachelorimut ilinniarnermi ilinniagassat ilaannit.

Imm. 3. Kandidatimut ilinniagaqarneq Ph.D.-gradimik angusaqarniarnissaq siunertaralugu ukiuni pingasuni ilisimatuutut misissuineramik ilaneqarsinnaavoq.

Imm. 4. Bachelorimut ilinniagaqarneq aamma kandidatimut ilinniagaqarneq tamarmik ukiup affaanik ilinniakkap iluani sivitsorneqarsinnaapput, aalajangersimasumik inuussutissarsiuteqalersinnaaneq siunertaralugu aaqqissuussanik. Ilinniagaqarnermik sivitsuinissaq Kultureqarnermut, Ilinniartitaanermut Ilageeqarnermullu Pisortaqaqfimmit akuerineqartassaaq.

§ 4. Bachelorimut Ilisimatusarfimmi ilinniarnernup ilinniartut fagit/ilinniakkat innersuussutigineqartut ilisimasassartaannik, teoriivini taakkunanilu periaatsinik tamatigoortumik paasisimasaqalersissavai pisinnaalersissallugillu sammisanik nassuiaasinnaalernissamut, oqaatiginnissinnaalernissamut, paasiniaaqqissaarsinnaalernissaamut ilinniaqqinnissamut imaluunniit inuussutissarsiummik ingerlatsisinnaalersinneqarnermut tunngavissinneqarluni.

§ 5. Kandidatimut ilinniarnernup ilinniartut bachelorimut ilinniarnerminni ilinniakkatigut ilisimaligaat ilaartussavai aammalu suleriaatsinut teorimullu tunngasutigut piginnaassusii kiisalu paasisutissiisinnaassusiat nammineersinnaassusiallu annertusassallugit.

Kapitali 2.

Ilinniakkat imassaak aqqissuunneqarnissaallu.

§ 6. Bachelorimut ilinniarneq aqqissuunneqassaaq ilinniartut periarfissillugit ukiuni pingasuni ilinniareerunik ilinniarnerminnik naammassinnissinnaasussanngorlugit imaluunniit kandidatimut ilinniarnissamut qinnuteqarsinnaasussanngorlugit.

Imm. 2. Ukiut ilinniarnefusut ingerlaneranni ilinniartitsissutigineqartussat aqqissuunneqarsinnaapput ilinniagassanut tamanut ilaannulluunniit ataatsimoorussassanngorlugit.

§ 7. Bachelorimut ilinniarneq sammisassaqaarfussaaq suliassiisummik minnerpaamik ukiumut sammisat pingajorarterutaannik annertussusilimmik. Suliassiisummi allaaserineqassapput ilinniarnermi fagit/ilinniakkat pingaarnerusut iluanni sammisassat.

§ 8. Kandidatimut ilinniarneq pingaarnertut sammisassap iluani fagini/ilinniakkani ataatsimi marlunniluunniit ilinniagaqaarfusarpoq, periarfissaqaarluni ilinniakkat pingaarnertut sammisassat allat iluanni ilinniarnissamut kandidatimut ilinniarnernerup tamakkersimanissaanut angusaqaarfiginissaanullu piumasarisat sanioqqunnagit.

§ 9. Kandidatimut ilinniarnermi ilaavoq namminersuutaasumik annertujaamik allaaserisaqarneq, ilinniakkap iluani specialeqarsinnaaneq.

Imm. 2. Specialikkut uppersarsarneqassaaq ilinniartup ilinniakkamut tunngasunik ilisimasaqarnera ilinniakkaminullu aalajangersimasumut tunngasumik allaaserinninnermini ilisimatuutut isummiussanik suleriaatsinillu atuilluarsinnaanera.

Imm. 3. Specialimik allaatiginninneq killilerneqassaaq sularinera naammassineqarsinnaasunngorlugu ukiumut sammisat sularisarnersa affaattut sivisutigisumik. Speciali pillugu erseqqinnerusumik aalajangersakkat ilinniarnernerup aqqissuunnerani aalajangersarneqassapput.

Imm. 4. Specialimi allaatigisassaq Ilisimatusarfimmit akuerineqartassaaq, qaqugulu tunniunneqarnissaa tassanissaaq aalajangerneqartassalluni.

§ 10. Ph.D.-mut ilinniarneq ingerlanneqartassaaq maleruagassat danskit taamatut ilinniagaqarneranni sukkulluunniit atuuttuusut malillugit.

Imm. 2. Immikkut ittunik pissutissaqartillugu Ilisimatusarfik Kultureqarnermut, Ilinniartitaanermut Ilageeqarnermullu Pisortaqarfimmut siunnersuuteqartarsinnaavoq maleruagassanik imm. 1-imi taaneqartunik sanioqqutitsisoqarnissaanut immikkut akuersississuteqartoqarnissaanik.

§ 11. Ilinniagaqarnerit sivisussusissaannik taallugit pineqartut tassa ilinniarnermi sammisat ukiumut sivisussusissaannik piareersaanermi atorneqartussat. Ukiumut sammisat tassa allanik sammisaqarani ilinniartuusup ukiumut ataatsimut suliassai.

§ 12. Bachelorimut soraarummeersimanikkut taaguuti-gineqalissaaq B.A. (Bachelor of Art).

Imm. 2. Humanismimut tunngasunik sammisaqaarluni kandidatimut soraarummeersimasunut taaguutitut akuerineqarpoq cand. mag. (candidatus/candidata magisterii).

Imm. 3. Inuiaqatigiinni ingerlatsinermut tunngasunik sammisaqaarluni kandidatimut soraarummeersimasunut taa-guutitut akuerineqarpoq cand. scient. adm. (candidatus/ candidata scientiarum administrationis).

Imm. 4. Upperisarsiornermut tunngasunik kandidatimut soraarummeersimasunut taaguutitut akuerineqarpoq cand. theol. (candidatus/candidata theologiae).

Imm. 5. Ph.D.-mut soraarummeersimasunut taaguutitut akuerineqarpoq Ph.D. (Philosophiae doctor).

Kapitali 3.

Naliliineq.

§ 13. Ilinniagaqarnermi pisinnaasassatut angusat misilitsinnikkut uppersarsarneqassapput, tamakkununga suliaasiissutip specialillu nalilerneqarnerat ilanngullugu.

Imm. 2. Ilinniagaqarnerup ilai imarisamikkut aqqissuussaannermikkullu soraarummeerutissaqqinngitsut uppersarsarneqarsinnaapput ilinniartup ilinniarnermi peqataaneratigut imaluunniit allaatigisaqartinneratigut. Taamaaliorsinnaaneq ilinniagaqarnerup aqqissuussaannerani malittarisassiuunneqassaaq.

Imm. 3. Ilinniartup imm. 2. malillugu ilinniagaqarnermi peqataanera ilinniartitsisumit nalilerneqassaaq oqaatsit "Angusivoq"/"Angusinngilaq" atorlugit.

Imm. 4. Misileeriaatsini sianigineqassaaq ilinniartitsinerup siunertaa aammalu ilinniartut tamarmik immikkut naliliivigineqarnissaat.

§ 14. Misilitsinnerit Ilisimatusarfimmeersumit imaluunniit avataaneersumit nalileeqaataaffigineqartassapput.

Imm. 2. Ilisimatusarfimmiunut misilitsinnerit soraarummeersitsisumit(-sunit) imaluunniit soraarummeersitsisumit(-sunit) rektorillu nalileeqaataasussatut Ilisimatusarfimmi ilinniarniartitsisut akornannit toqqagaanit nalilerneqassapput.

Imm. 3. Avataaneersunik nalileeqaataasoqassatillugu misilitsinnerit soraarummeersitsisumit(-sunit) nalileeqaataasumillu(-sunillu) Kultureqarnermut, Ilinniartitaanermut Ilageeqarnermullu Pisorta qarfiup toqqagaanit nalilerneqassapput.

Imm. 4. Karakteeriliiniarnermi soraarummeersitsisoq (-sut) nalileeqaataasorlu(-sullu) kisimik najuussinnaapput.

Imm. 5. Sulilluni sungiusarneq angalaarlunilu misissuinerit ilinniagassat aqqissuunneranni malittarisassat najoqqutaralugit uppersarsarneqassapput.

§ 15. Bachelorimut kandidatimullu ilinniarnermi misilitsinnerit minnerpaamik pingajorarterutaat avataanit nalileeqaataasoqartumik uppersarsarneqassapput, taakkualu ilagissavaat ilinniagassat, sammisassat periaatsillu pingaarnert.

§ 16. Naliliinermi atorneqassapput 13-skala Danmarkimi ilinniarni qaffasinnerusuni karakteriliisarnermut malittarisat malillugit, imaluunniit naliliinermi atorneqassapput "Angusivoq"/"Angusinngilaq".

§ 17. Bachelorinngorniartumut suliaasiissut specialilu 13-skala malillugu naliliiffigineqassapput.

§ 18. Misilitsinnerit aqqissuunneqassapput inuit ataasiakkaarlutik misilitsinnerisut.

Imm. 2. Kisianni ilinniagassat aqqissuunneranni aalajangerneqarsinnaavoq misilitsinnissat aalajangersimasut ilaat aqqissuunneqartassasut inunnit arlalinnit ataatsimut suliarineqartussatut, ataatsimut naliliiffigineqaatigisassaannik.

Imm. 3. Arlallit misilitsinnermik suleqatigiinnerat imatut aqqinneqassaaq misilitsittut tamarmik immikkut nalilerneqarsinnaasunngorlugit.

Imm. 4. Ilinniagassat aqqissuunneranni aalajangersarneqassaaq taamatut inuit arlallit misilitsissinnaanneranni amerlanerpaamik qassit peqataasinnaanersut.

§ 19. Bachelorinngorniartumut suliaasiissut specialilu inuit ataasiakkaarlutik naammassisassavaat.

Imm. 2. Bachelorinngorniartumut suliaasiissut specialilu ilinniartut arlallit ikioqatigiillutik suliarisinnaavaat.

Ilinniagassat aaqqissuunneranni aalajangerneqassaaq ilinniartut qassit ikioqatigiilluni suliaqarnermi peqataasinnaaissaat. Inuup ataatsip suliaa im-mikkoortillugu naliliiffigineqarsinnaassaaq.

§ 20. Inuit arlallit suleqatigiillutik oqaluttarissanik soraarummeersinneqarnerat ingerlanneqarsinnaavoq ilinniartut, soraarummeersitsisoq(-sut) aamma nalileeqataasussaq(-sat) oqaloqatigiissillugit. Peqataasut tamarmik immikkut soraarummeersinneqarnerat ilaasassaaq.

Imm. 2. Inuit arlallit suleqatigiillutik allattarissanik soraarummeersinneqarneranni inuup ataatsip suliaa malugineqarsinnaassaaq, suleqatigiillu tamarmik immikkut naliliiffigineqartassapput. Taamaattorli ilinniagassat aaqqissuunneranni aalajangerneqassaaq suleqatigiit tamarmik immikkut naliliiffigineqarnerat pisinnaassasoq allaatigisaq tunngavigalugu itisilerilluni oqaloqatigeereernermi. Taava immikkut naliliiffiginneq pissaaq oqaloqatigiilluni soraarummeersitsineq tunngavigalugu.

Imm. 3. Ilinniagassat aaqqissuunneranni aalajangerneqarsinnaavoq specialimi allaatigisaq oqaloqatigiissutissanngortinneqartassanersoq. Taamaassangaangataava naliliineq pisassaaq allaatigisamik oqaloqatigiinnermillu ataatsimut qanoq isiginneq tunngavigalugu.

§ 21. Misilitsinnerit naliliiffigineqarnerilluunniit allat tamarmik immikkut angusiffigineqassapput. Misilitsinnerit angusiffiusut misilitseqqiffusinnaanngillat.

Imm. 2. Ilinniartuq amerlanerpaanik pingasoriarluni bachelorinnngorniarnermut kandidatinngorniarnermullu misilitsinnissanut naliligassanullu allanut akuerineqarsinnaavoq. Ilisimatusarfiup sisamassaaneernissaq immikkut pissutissaqartillugu akuerisinaavaa.

§ 22. Ilinniartuq kandidatinngorniarni soraarum-meernissamut aatsaat nalunaarsinnaavoq bachelorinnngorniarni misilitsinnerit tamaasa angusaqarfigereersimagunigit.

§ 23. Soraarummeernissamut allakkatigut nalunaartarnissaq kingusinnerpaamik pisassaaq soraarummeernissap nalunaarfigisap aallartiffissaa qaammammik ataatsimik sioqqullugu. Ilinniartup nammineerluni misilitsiffissaminut nalunaarnissani akisussaaffigaa.

Imm. 2. Soraarummeernissamik nalunaarutigeriikkamik taamaatitsiniarneq allakkatigut nalunaarutigineqassaaq kingusinnerpaamik soraarummeernissap ullulernerqarfia sapaatipakunnerinik marlunnik sioqqullugu. Soraarummeerumanani nalunaarneq taassumanga kingusinneruppat soraarummeersussarluunniit malittarisat malillugit iluamik nalunaarsimanani takkutinngitsoorpat, tamanna angusinngitsoorluni soraarummeernertut nalilerneqassaaq.

§ 24. Kinaluunniit Ilisimatusarfimmi ilinniartitsisutut akuerisaq aamma tassani soraarummeersitsisinaavoq.

Imm. 2. Ilisimatusarfiup soraarummeersitsisinaaneq ilitersuisinnaanerlu immikkut pissutissaqartillugu soraarummeersitsisussamut ilitersuisussamullu avataaneersunut nalunaarutigisinaavai.

§ 25. Soraarummeerneq kalaallit qallunaalluunniit oqaasii atorlugit ingerlanneqassaaq. Kisianni Ilisimatusarfiup piumasarisinaavaa soraarummeerneq oqaatsit arlaannaat atorlugit ingerlanneqaqqullugu soraarummeersitsisussap imaluunniit nalileeqataasussap oqaatsit illuatungeriit arlaat atorsinnaanngippagit.

Imm. 2. Ilisimatusarfiulli soraarummeerniartuq allakkatigut qinnuteqarpat aalajangersinnaavaa oqaatsit arlaannaat atorineqarsinnaasut. Qinnuteqaat Ilisimatusarfimmit tiguneqareersimassaaq soraarummeersitsisussat allattorsimaffiata tamanut saqqummiunneqarneranni kingusinnerpaamik ullut arfineq-marluk kingorna.

Imm. 3. Ilisimatusarfiup immikkut pissutissaqartillugu soraarummeertussaq allakkatigut qinnuteqarpat aalajangersinnaavaa tuluit oqaasii atorineqarsinnaasut. Qinnuteqaat Ilisimatusarfimmit

tiguneqareersimassaaq kingusinnerpaamik soraarummeernissamut allatsinnissamut ulluliussaq qaangiutsinnagu.

§ 26. Ilisimatusarfimmi soraarummeernerit nalinginnaasumik pisassapput juunimi januaarimilu.

Imm. 2. Ilisimatusarfiup akuerisinnaavaa misilitsinnerit, aamma napparsimasimalluni misilitsinnissaq, soraarummeernerup nalinginnaasumik piffissaata saniatigut pisinnaasut.

Imm. 3. Napparsimasimaneq pissutigalugu soraarummeernissamik qinnuteqaatit tamarmik nakorsap nalunaarutaanik uppersarsaatitaqassapput, kingusinnerpaamik soraarummeerfissaagaluq ullunik sisamanik kingoqqullugu tunniunneqarsimasussanik.

Imm. 4. Napparsimasimaneq pissutigalugu immikkut soraarummeernissaq taamaallaat akuerineqarsinnaavoq soraarummeertussaq

- 1) soraarummeerfissamini napparsimasutut nalunaarutigineqarpat,
- 2) soraarummeernerup nalaani napparsimalerpat,
- 3) napparsimanini pillugu soraarummeerianngitsoorpat, imaluunniit
- 4) nammineq napparsimanermi saniatigut immikkut ivissumik uppersarsarneqarsinnaasumik pissuteqarluni soraarummeerianngitsoorpat.

Imm. 5. Napparsimasimalluni soraarummeerneq soraarummeernissamut soraarummeerniartup nalunaarfigisimasaraluanut taarsiuttutut nalilerneqassaaq.

Soraarummeersimanermut uppersarsaat.

§ 27. Ilisimatusarfimmit soraarummeerneq naammassineqartoq pillugu uppersarsaat atsiorneqassaaq. Uppersarsaatip inussaata aqqa oqartussaasorlu atsiuisoq pillugit paasisutissanik imarisami saniatigut minnerpaamik imarissavai:

- 1) taaguut soraarummeernikkut atorineqarsinnaalersoq,
- 2) ilinniagassat misilitsiffigineqartut,
- 3) naliliussat anguneqartut,
- 4) ilinniakkat ilagisaat allatut uppersarsaateqartinneqartut,
- 5) ilinniakkami ataatsimi ilinniarnermi qanoq peqataatigineq,
- 6) misilitsinnerit allami qaqisiffigisimasat kiisalu
- 7) ilinniagaqarnerup taaguutaa qallunaatut tuluttullu.

Imm. 2. Soraarummeersimanermut uppersarsaat allassimassaaq kalaallisut, qallunaatut tuluttullu.

Imm. 3. Ilinniarfinni arlalinni naammassillugit ilinniarsimanernut ataatsimoortumik uppersarsaat allagarserneqassaaq ilinniarfimmit ilinnigaqarnerup immikkoortuata kingulliup naammassineqarfigisaanit.

Imm. 4. Ilinniartumut, ilinniarnerninik naammassinagu qimatsisussamut, ilinniagaqarnerup ilaanut qaqisiffigisanut uppersarsaat ilisimatusarfiup atsiussavaa.

Kapitali 4.

Ilinniagassat aaqqissuunneqarnerat.

§ 28. Ilisimatusarfik ilinniagassat ataasiakkaat pillugit ilinniagassat aaqqissuunneqarneranni malittarisassaliussaaq, tak. Ilisimatusarfik pillugu Inatsi-sartut inatsisaat nr. 3, 9. maj 1989-imeersoq, § 21, imm. 1, aamma § 16, imm. 3.

Imm. 2. Ilinniagassat aaqqissuunneqarneranni malittarisassaliorneqassapput

- 1) ilinnigaqarnerup ilaasa ataasiakkaat anguniagassartaat, imarisassaat sivilissusissaallu,

- 2) ilinniartitseriaasissat, tamakkununga ilanngullugu sulilluni sungiusarnejq ilaatinneqassanersoq,
- 3) kursusernerit tulleriiaarneranni maleqqissaagassaajunnartut,
- 4) soraarummeernissamut piumasarisat immaqalu misilitsittarnerit aalajangersimasumik inissinneqassanersut,
- 5) misileeriaatsit (sivissusissat, nakkutilliisoqartitsineq, allattarissanik angerlaallugit suliaqarnejq, najoqqutassaqartitsineq, piareersarfissat, misilitseqqittarnerit, akuleriissitsinissamut periarfissat il.il.),
- 6) nalileeriaatsit, tamakkununga ilanngullugit misilitsinnerit suut karakterilerneqartassasut aamma suut Angusisumik/Angusinngilamik naliliiffigineqartassasut, kiisalu allattariarsornerni naliliinissamut piffissamik killiliisarnissat,
- 7) misilitsinnerit qassiusarnissat misilitsinnernilu ataasiakkaani karakteriliussanik nalilersuisarnejq,
- 8) qaqugukkut nalileeqataasartussatut toqqakkanik avataaneersunik atuisarnissaq,
- 9) bachelorinnngorniartumut suliassiissut specialilu,
- 10) ilinniartup ilinniarnissamut piffissarititap iluani ilisimatusarfunngitsumi ilinniartitsissutiniq sammisaqarnissamut periarfissaqartinneqarsinnaanera,
- 11) soraarummeernermut atuarsimasassat aalajangersarneqarnissat imaluunniit atuarsimasassanut missingersuusiornissaq, kiisalu soraarummeernernut atasumik atuarsimasassanik aalajangiivinnissamut piffissaliussassat.

Imm. 3. Ilisimatusarfik ilinniagassat aaqqissuunneqarneranni malittarisassanik taamaallaat ilinniartimmit aalajangersarneqarsimasunit allaasumik iliortoqarnissanik akuersisinnaavoq.

Imm. 4. Ilinniagassanik aaqqissuussineq atortussanngortinneqartinnagu ilinniagassanillu aaqqissuussinermik annertuunik allannngortitsisoqartillugu ilinniartup ilinniartunik tigussissat sinniisuat, tassunga ilanngullugu nalileeqataasartut siulittaasuut, atassuteqarfigissavai. Ilinniartit allat ilisimatinneqassapput ilinniakkami imaluunniit ilinniakkani pineqartuni ataqatigiissaarinissaq eqqarsaatigalugu.

Imm. 5. Ilinniagassanik aaqqissuussinerit taakkunanilu annertuumik allannngortitsinerit atortuulertassapput ukiup ilinniartiusup aallartinnerani.

Imm. 6. Ilinniagassanik aaqqissuussinerit ilinniagassanillu aaqqissuussinernik allannngortitsinerit ilisimatitsissutitut nassinneqassapput ilinniartinnut allanut, nalileeqataasartussanut, Kultureqarnermut, Ilinniartitaanermut Ilageeqarnermullu Pisortaqaqarfinnut aamma Undervisningsministeriamut.

§ 29. Ilisimatusarfiup tamatigit imaluunniit ilinniagassat aaqqissuunneqarneranni aalajangersakkatigit nalinginnaasutigit akuerisinnaavaa nalunaarut manna malillugu uppersaateqartunik misilitsinnerit, ilinniartimmi allami qaqisiffusut, ilinniartimmi misilitsinnernut naligititaanissaat.

Imm. 2. Ilisimatusarfiup tamatigit imaluunniit ilinniagassat aaqqissuussaaneeranni aalajangersakkatigit nalinginnaasutigit akuerisinnaavaa Danmarkimi imaluunniit nunami allami ilinniartimmi qaffasinnerusumi fag-ip/ilinniagassap iluani ilinniagaqarnerup ilaanik naammassisimasat ilinniagassat ilaannut nalunaarummi matumani ilaatinneqartunut taarsinneqarsinnaanerat.

Imm. 3. Ilinniagaqarnerup ilaanik imm. 2-mi taaneqartunik naliliinerit nuunneqartassapput Angusisinertut imaluunniit 13-skala malillugu karakterisut, tak. § 16. 13-skala malillugu karakterinik nuutisoqarsinnaavoq ilinniakkap ilaa pineqartoq ilinniartinni arlariinni skala taanna malillugu nalilerneqarsimappat ilinniartifillu pineqartut allatut isumaqatigiissuteqarsimannngippata.

Kapitali 5.

Malittarisassanit immikkoortumik akuersinissaq, naammagittaalliorneq atortuulerrissarlu.

§ 30. Kultureqarnermut, Ilinniartitaanermut Ilageeqarnermullu Pisortaqarfiup nalunaarummit matumunga allaassuteqartitsinissaq misiliinermut ilaasumik akuerisinnaavaa. Tamanna peqatigalugu misiliinissap sivilisussusissaa qanorlu nalunaarusiortarnissaq aalajangersarneqassapput.

Imm. 2. Kultureqarnermut, Ilinniartitaanermut Ilageeqarnermullu Pisortaqarfik nalunaarummi uani aalajangersakkanit allatut iliortoqarnissaanut akuersisinnaavoq pissutsinik nalinginnaanngitsunik patsiseqartumik.

§ 31. Nalunaarut una malillugu Ilisimatusarfiup aalajangiineri pillugit naammagittaalliuutit Ilisimatusarfimmut tunniunneqassapput. Ilisimatusarfiup aalajangiineri pillugit naammagittaalliuutit inatsisiliornermut tunngasuugaangata Naalakkersuisunut suliaasangortinneqarsinnaapput, Ilisimatusarfik pillugu Inatsisartut inatsisaanni nr. 3-mi, 9. maj 1990-imeersumi § 26 naapertorlugu.

§ 32. Nalunaarut una atortuulerrpoq septembarip aallaqqaataani 1995-imi.

Imm. 2. Ulloq taanna atorunnaassaaq Namminersornerullutik Oqartussat Ilisimatusarfimmi ilinniarnert soraarummeertarnerillu pillugit nalunaarutaat nr. 5, 2. januar 1990-imeersoq.

Imm. 3. Ilisimatusarfiup aalajangersassavai ilinniartut ilinniarnerminnik 1995-imi septembarip aallaqqaataa sioqqullugu aallartitsisut pillugit malittarisassaagallartussat, tamatumunga ilanngullugu qaqugu kingullermik misilitsittoqassasoq malittarisassat imm. 2-mi taaneqartut malillugit.

Namminersornerullutik Oqartussat, ulloq 1. september 1995.

Konrad Steenholdt

/

Karl Kristian Olsen

Namminersorlulik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlulik Oqartussat inatsisinut toqqorsiviat

Naalakkersuisut